

〔本朝世紀〕天慶元年十一月廿五日戊辰酉四刻大納言平伊望卿參入今日御物忌也仍上卿令外記仰諸司以御曆付內侍司即退去件御曆須以十一月朔日奏之而諸司懈怠問奏事由云正權曆博士二人各有諍論仍可被一定之由言上於官十月十九日可用權曆博士茂經本之宣旨下所司其後雖令催寫不遂早書畢云々公家重勘云十九日以後有十箇日許其程可寫畢若又不可出來者注其由可聽裁下而徒然所怠不可然云々即乍一官令進過狀奏聞了仍公家令大外記三統公忠勘申御曆可奏之日勘申云檢國史去天長十年十二月癸未朔甲申今按國史或作甲子是誤也何者已謂癸未朔此月內不有甲子可謂甲申是二日也陰陽寮進御曆并頒曆也恒例在十一月朔而曆博士外從五位下刀伎直淨濱卒後忽無相繼之人遣召識曆術者遠江介正六位上大春日良棟乃令造之所以于今延引者依件勘文相定以今日令奏件御曆但陰陽寮怠未被免許只令此間供奉許也令法家勘申其所當之罪隨其勘狀趣可被定行云々

〔吉記〕元曆元年十一月一日黃昏參內今日依可有御曆奏也欲著陣之處召使來云外記未參重遣召了云々仍暫候殿上方頃之召使來云外記參入了次予向陣座外記長衡參進小庭申御曆奏候之由仰曰暫令候外記稱唯退入次召官人二音官人參小庭可召藏人之由仰之官人經口下向殿上方次藏人式部丞高階泰能經軒廊欲來幼少之間不辨之歟予令追入了次經宣仁門出來予奏曰御曆奏藏人歸來仰云無出御付內侍所次予以官人召外記如初參進小庭予仰云御曆令付內侍所外記稱唯退入次予退出

〔玉海〕壽永二年十一月一日辛卯此日朔旦冬至也依爲即位已前不出御南殿只奏賀表付御曆於內侍所

〔康富記〕文安元年十一月一日丙子御曆奏被付內侍所博士頭在盛朝臣一人加署權博士在成朝臣爲重服故也云々

〔看聞日記〕應永廿四年十二月十九日新曆二卷八卦等在弘進之